



BIBLIOTHECA  
UNIV. IAGELL.  
CRACOVENSIS

53263

kat.komp.

I

Mag. St. Dr.

P

*Quaestio de cogni-  
tione creatiois.*

Biblioteka Jagiellońska



stdr0002900



QVÆSTIO  
DE  
COGNITIONE  
CREATIONIS.

In Alma Academia Cracouien:  
Disputationi publicè proposita.

A

M. STANISLAO LABENCKI,  
Scholæ B. V. MARIÆ in circo Cracouien.  
Seniore.



Permissu M. D. RECTORIS.

In Officina Typographica Francisci Cesarij,  
Anna Domini 1622.



*Fulmineum qui vibrat acinacem, & impiger issud*  
*Concutit effuso quadrupedante solum.*  
*Et qui tabisco lethalia colla Cerasse,*  
*Fortis in Heroâ mitificauit ope.*  
*Et Turres, & Crux Lunata Tua Inclite Princeps,*  
*Æternum stabunt, hæc monumenta Domus.*  
*Firmamentis soli patrij, Imperij Decora Alma,*  
*Vos æuo memori, haud eximet vlla dies.*





*Illustriſſimo Principi Domino.*

**D. G E O R G I O,**

**Duci in Zbarasz, Castellano**

**Craccuien. Pinſcen. Socalien. &c. &c.**

**Capitano. Domino & Patrono Suo.**

**S. & F.**



am sanè Illuſtris. Princeps V. C. ab illo genio verè Heroico natam in me animi propenſionem eſſe video, mecumque ſæpius & iucundiſſimè quidem reputare ſoleo, vt illa cogitatione beneuolæ voluntatis à V. C. proſecta ſignificatio, dici non poteſt quàm incredibilem mihi voluptatem afferat, ſed non minorem quoque curam aſidua cogitatio parit, dum in varias partes animum meum diſtrahi video & quibus ſtudijs obſequijsue C. V. in me ornandi inclinam animi beneuolentiam vtcunq; demereri poſſim exquiro. Namque in tam Illuſtri & ſingulari fauore Principis obmuteſcere, non ſolùm à bonis litteris ( quæ gratam memoriam beneficiorum tuentur & conſeruant ) ſed etiam ab omni humanitate quàm maximè alienum fore quiſq; manſuetioribus Camoenis addictus mecum vnà veriſſimè



censebit. Quocirca cum diuturna Vestrae Beneficentiae recordatio mihi ob oculos obuersaretur, atq; gratam animi submissi iure suo efflagitaret testificationem, æquum esse arbitratus sum, vt disputationem istam Philosophicam Nomini Vestro inscribere Amplissimo. Tunc enim maiorem splendorem accessurum duxi istis Philosophantium Pronunciatis, si Heroicâ dignitate V. C. forent illustrata. Permagno & illud fuit incitamento, quod exploratè omnes cognouimus studium Academiæ nostræ defendendæ in V. C. fidelissima suffragatione esse depositum. Spero itaq; futurum, vt quemadmodum Academicis litteris V. C. luce, palam, in frequentissima Reipub. celebritate, toties se Tutelarem & Patronum declarauit: ita quoque huic meo negotio litterario beneuolentiæ suæ aura adspirabit. Quare Illustrissimam C. V. etiam atque etiam oro, vt indicium istud gratæ mentis, & perpetuæ obseruantiae æqui bonique consulat, ac me Amplissimo Suo Patrocinio, foueat, ornet, tueatur.

CRACOVIAE è museo Meo. 12 Calen. Sextileis  
Anno Domini 1622.

Illustris. Cels. V.

Cliens

M. Stanislaus Labencki.



## QVÆSTIO.

V. Creatio quæ est productio Rerum Ex Nihilo, habens Causam Primam & Supremam virtutis infinitæ, nulli creaturæ communicabilis; rerumque non necessariò, sed secundùm decretum liberum Diuinæ voluntatis productiua; in doctrina Peripatetica cognoscibilis sit nec ne?

### CONCLUSIO PRIMA.

Creatio non est motus aut mutatio, sed emanatio per quam vniuersum hoc extitit, ita vt nihil eius antè præcesserit.

### COROLLARIA.

I. *Antequam mundus esset possibile erat mundum fieri, non tamen oportuit quòd aliqua materia*

B

præ-



preexisteret, in quâ potentia fundaretur.

2. Creatio definitur productio Ex Nihilo, illud Ex Nihilo non significat subiectum, nec respectum temporis secundum prius & posterius, sed solum indicat negationem subiecti preexistentis.

3. Motus & mutatio presupponunt Ens, in quo tanquam formæ disponentes recipiantur.

4. In omni motu & mutatione, oportet esse aliquid quod aliter se habeat nunc quàm prius, ut ipsum nomen mutationis ostendit.

5. Error est Platonis, qui mundum semper secundum substantiam fuisse, & simul ab authore Deo esse statuit. Similiter Empedoclis qui quadam fortuita Congregatione & segregatione quatuor elementorum omnia ait esse constituta.

## CONCLUSIO SECUNDA.

Causa prima & vniuersalis, est verum agens mundi & partium eius.

## COROLLARIA.

1. Potentia actiua in suo genere perfecta, dicens magis respectum ad agens quàm ad potentiam passiuam,



uam, sine qua excellentiori modo agere potest; producit actionem eius quod continet.

2. Effectus uniuersales oportet in uniuersales & priores causas reducere, ut docetur lib: 2. Physic: & 5. Metaph.

3. Etiam si effectus multum debeat cause particulari, ut potè à qua accipit speciem; plus tamen uniuersali ut potè à qua dependet, non solum in fieri, sed etiam in Esse, & Operari.

4. Non diffitemur agentia particularia esse causas principales suorum effectuum, profiteamur tamen uniuersi productionem soli uniuersali cause conuenire; ac proinde ut nullum Ens creatum dari potest, quod non acceperit Esse ab alio: ita rerum totam hanc substantiam à Deo tanquam prima causa productam esse, Christiano more philosophamur.

5. Nequè intelligentia, nequè intellectualis anima, dat Esse cuiuspiam, nisi in quantum agit & operatur operatione Diuina, à quo autem operatio est, ab illo & Esse, quod est Operationis eiusmodi causatiuum.

B.

Con.



## CONCLUSIO TERTIA.

**P**rima Causa virtute immediata, & non communicabili alteri Creaturæ creavit res alias à se.

### COROLLARIA.

1. Dare Esse per se & primo, est creare, solius autem Primæ causæ est attingere rationem ipsius Esse.

2. In Creatione cum sit potentia maximè elongata ab actu; requirit absq; dubio virtutem sine ulla proportionem infinitam.

3. Creatio cum sit prima omnium actionum, per quam communicatur esse participatum; fit ut talis actio dimanet ab ipso Esse per Essentiam.

4. Potentia creandi, cum ex parte obiecti nihil habeat, nisi non repugnantiam; ut obiectum sit aut fiat, necessario se extendit ad omne creabile, non autem ad aliquem gradum Entis.

5. Erronea est eorum sententia, qui Creare communicabile dicunt creature, non ut principali agenti sed tantum ut instrumentario.

## CONCLUSIO QUARTA.

**P**rima Causa in operando necessitatem non habet, nisi sui propositi tanquam finis suppositione.

CORO.



## COROLLARIA

1. Deus est bonum sibi sufficiens, adeò ut nulla vera perfectio illi accrescat ex eo, quòd velit Creaturas.

2. Etsi in Deo, non sit potentia ut nolit quod voluit, simpliciter tamen potest in sua eternitate aliquid Esse nolle; quod vult Esse in tempore.

3. Ratione causæ Materialis aut Formalis, nihil prohibet in prima rerum creatione necessitatem absolutam inueniri; quia scilicet talis natura tales dispositiones requirebat.

4. Prima Causa etiamsi liberè agat; non propterea tamen necessitas absoluta à rebus excluditur.

5. Quæ carent potentia ad non Esse, illa simpliciter & absolutè necesse est Esse; unde Materia quæ est in potentia ad aliam formam non est necessarium Esse simpliciter.

## CONCLUSIO QUINTA.

**N**aturali lumine non potest cognosci creationem dari, in Peripatetica doctrina.

B;

CORO.



## COROLLARIA.

1. *Constans Axioma Philosophorum, Ex Nihilo nihil fieri, effecit apud omnes Philosophos ut omnia ex præexistenti materia progenita esse affirmarent.*

2. *Quintò metaphysica dum explicat Aristoteles omnium significationes nominum, quibus omnes discipline utuntur; nullam mentionem, nec quid nominis, nec quid rei fecit Creationis.*

3. *Ad Creandum cum requiratur virtus infinita, quam possibilem esse, demonstrari non potest apud Aristotelem, sit ex illius mente ut Creatio sit impossibilis.*

4. *Creatio in via Aristotelis, cum doctrina de Mundi eternitate, Animæ immortalitate, & Infinito stare non potest.*

5. *Modus productionis rerum ex Aristotelis sensu, velin Emanationem simplicem à Deo, velin Naturalem generationem ex seipsis tantum refertur. Nobis verò Christianis ex reuelata diuinitus Philosophia, primam illam totius uniuersi fabricationem, creatione peractam constituisse certò certius est.*

Illi laus & gloria  
Qui in verbo suo creauit omnia.

*Disputabitur in Collegio Maiore DD. Theologorum. Hora 10. Die 23 Julij. Anno currenti 1622.*

Sub felicibus auspicijs Admod. R. P. ac Magnifici Dni.  
M. Basilij Golenij Sacrae Theologiae Doctoris  
& Professoris Canonici Cracouiensis & Vni-  
uersitatis Cracouiensis Generalis  
**RECTORIS**



Illius & gloria  
Quin verbo suo creavit omnia.

Disputabitur in Collegio Minore DD. Theologo-  
rum. Hora 10. Die 23 Julij. Anno currentis 1622.

Sub felicitibus auspicijs Admod. R. P. ac Magnifici Dni.  
M. Basilij Golemij Sacre Theologie Doctoris  
& Professoris Canonici Cracoviensis & Vni-  
versitatis Cracoviensis. Generalis  
RECTORIS



74. 17.

Qu  
Dip  
M  
Sub

2



